

圓覺經略疏之鈔

圓覺經略疏之鈔卷第十五

圭峰蘭若沙門宗密於大鈔略出

疏。一知下。二別釋。此處非處智。處是建立義。是依義。

然見立果。

善惡報也。

與果爲依。能起果法。故云處也。智度

云。

然此所釋依智度論。不能一一標名。

是處不是處。如實知。一力也。釋

曰。處者。因果相當。如殺等墮地獄。戒等生人天。非處者。反上。謂殺等生天。戒墮地獄等。若如此者。無有是處。故言非也。總知下。論云。此力是總。餘九是別。故一切諸法等者。正是總攝義也。諸法不出因緣果報。故處非處成就正見。破於倒見。無不具也。故論釋是處。

非處不必定言因果。然亦不出因果。故論云。女身作輪王。無是處。一輪王出世。無是處。惡行生天。無是處。乃至佛有過失。諸賢聖求外道爲師。諸賢聖自言是佛。諸賢聖墮惡道。皆無是處。故知總論一切矣。降伏下力之業。用破非處也。卽無因惡。因爲非處。知之故能破之。知人等者。論云。旣徧知已。可度者。度之。不可者。爲作得度因緣。如醫知病。可治不可。疏二。知下。卽過現未來業報。智論云。佛知是眾生業煩惱因緣。故縛指此淨禪定三昧解脫因緣。故解指第三門。是一切眾生三世三種諸業諸煩惱輕重深淺麤細。佛悉徧知。

故名是力。

却指此門。

又云。知眾生過去未來現在諸業。知

造諸業處。知因緣知果報二力也。據論所釋。諸業與

報相對。有單有複。論云。業報智力者。據論所說。三性

心中互受三性業報。論云。復次善心中受善不善無

記業報。不善心無記心亦如是。

應云。不善心中受善不善無記報。無記心

中受善不善無記報。

及順現等者。論云。現報業因緣故受現報。

生報業因緣故受生報。後報業因緣故受後報。不淨

業因緣故受苦惱報。淨業因緣故受無惱報。雜業因

緣故受雜業報。然報與時互有定不定受。其文甚廣

如大鈔具有引釋。知所度下業用。下皆例此可知。至

文更不指也。問此與前力何別。答前如所造此知能

造。又前是總相。此是別相。疏三知下。諸禪解脫三昧

智也。卽前總中開此淨業。

對第二所知且總名淨

論云。禪名四

禪。佛知是禪。佐助道法。名相義分。次第熏修。有漏學

無漏學。淨垢三昧深淺分別等。八解脫。如禪中分別

相說。禪攝一切色界定。諸解脫攝一切禪定。波羅蜜

卽是諸解脫。禪定解脫三昧皆名爲定。定名爲止。不

散亂也。垢名愛見慢等諸煩惱。淨名真禪定而離愛

見慢等煩惱。如真金分別名諸定中有一心行。不

心行。常行不常行。難入易入。難出易出。別取相總取

相轉治不轉治。如淫欲中慈心。瞋人不淨觀。愚癡人

思惟邊無邊。掉戲心中用智慧。分別諸法。散心中欲

攝一心。若不爾者。名不轉治。及知等者。生色界無色

界果及出世三乘聖果。

前知能修此知依所修現神通。

疏。四知下諸

根勝劣智也。謂信進念定慧。此五通生出世間法。故

名根也。由前修念處正勤神足等二位。故不可拔。故

前三至此總得名根。於此五中復各有上中下品。佛

用此智知是根。今世但能得初果。不能得餘。但能得

初禪。乃至能得聲聞中第一。辟支中第一。或是具足

六度。能得阿耨菩提。如是知已。或爲略說。或廣說。或

善輒語或苦切語各隨宜得度故云知信等也。

云云大鈔

廣引緣起具釋

疏五知下卽種種解智解卽欲也論云欲名

信喜好樂佛知眾生二種欲作上下根因緣二種欲
善惡種種別異謂好五欲如孫陀羅難陀等好名聞
如提婆達多等好世間財利如須那利多羅等好出
家如耶舍等好頭陀如迦葉等好多聞如阿難等。云云
諸弟如是佛弟子各各有所好凡夫人亦各各有所
好或喜淫欲瞋恚令捨不淨增淨者旣知好樂有染
淨不同理宜令捨染增淨也前云根者知宿惑多少
此知好樂不同又前唯信等入道利鈍之根此兼染

淨之好。疏六知下。種種界智界。卽性也。謂知諸眾生

宿有一乘根性。或三乘出世性。或五乘世出世種性。

上皆習佛教成性也。多貪多瞋多癡等分性。乃至八萬四千。

上皆煩惱相續。隨無明遇因緣成種種性。論云。性名積習。問。此與前欲樂何

異。答。性則種子。欲則現行。從性生欲。習欲成性。問。若

習欲成性。與前第四力知五根何異。答。性通善惡。根

唯信等入道之根也。知卽時等者。論云。知眾生如是

性。如是欲。從是處來。可度不可度。必不必行何行。生

何處。在何地。云云今世可度。後世可度。卽時可度。異時

可度。異時可度之人。佛能度是人。聲聞能度是人。必

可度。

一一云。是人。

必不可度。略說可度。

一一云。可度。

廣說讚歎。

折伏將迎。棄捨細法。麤法苦切。轉語。

云云。

疏七知下。一

切至處道智也。今言一切道者。善惡不動等三行。及無漏行也。至處者。五道是有漏。行所至處。涅槃是無漏。行所至處。故論云。一切善道。一切惡道。一切聖道。各各知諸道至處。佛悉徧知。名第七力。疏八知下。卽彼第九宿命無礙智。今宿住者。過去本生本事住宿世故名爲宿住。經名宿命者。謂宿一期住壽。本生本事也。論云。宿命有三。有通有明有力。凡夫人但有通聲聞人亦通亦明。佛亦通亦明亦力。所以者何。凡夫

人得五通者。但知宿命所經。不知業因緣相續。是故凡夫人。但有通無明。聲聞人知集諦故。了了知業因緣相續生。以是故聲聞人亦有通亦有明。若佛弟子。先凡夫人時。得宿命智。入見諦道中。知集因緣第八無漏心得斷見故。通變爲明。所以者何。明名見根本。若佛弟子。先得聖道後。宿命智生。亦知集因緣力。故通變爲明。佛用是明。知已身及眾生。無量無邊世中。宿命因緣所更種種悉徧知。爲力問。此與前至處智何異。答。前知前際。隨念趣因。此知前際。名姓苦樂等事。疏九知下。卽彼經第八天眼無礙智。佛眼淨過諸天眼。

見眾生生死此生彼時端正醜陋若大若小若墮善道

若墮惡道如是業因緣受報皆能正知故名此力依

天眼發是故此智名天眼智十中獨此從所知依得名餘皆從所知此智

能知生死名生死智此約所知境也論云佛用天眼見眾生

生死處凡夫人用是天眼極多見四天下聲聞人極

多傍見小千世界上下亦徧見問曰大梵王亦能見

千世界有何等異答大梵王自於千世界中立則徧

見若在邊立則不見餘處聲聞人則不爾在所住處

常見千世界辟支佛見百千世界諸佛見無量無邊

諸世界凡夫人天眼智是通而非明亦如是但見所

有事不能見隨業因緣受生如宿命中說復次聲聞
人用所住三昧心中入於三昧天眼則滅佛則不爾
心雖入於三昧天眼不滅疏十知下永斷習氣智也
佛以世智知自知他漏盡解脫知自者論云諸漏盡
故無漏心及智慧解脫現在法中自識知我已盡等
知他者論云聲聞但知自盡漏諸佛亦盡他人漏上
別釋疏然佛下三總相料揀論云問曰佛有無量力
何以故但說十力答度人因緣故但說十力足辨其
事謂以是處不是處智力分別籌量眾生是可度是
不可度以業報智力分別籌量是人業障報障是無

障。

此下撮畧引之。

三知禪味著不味著。四知根勝劣。五知所

樂。六知所趣。七籌量解脫門。八知先所從來。九知生

處好醜。十知漏盡涅槃。佛用十力。度脫眾生。審諦不

錯。皆得具足。論又云。初力爲總。總攝九力。爲度眾生

故。於中分別有九力。

云云。大鈔疏。一一列釋。

一正下。二釋無所

畏。經云。四無所畏者。誠實論云。一切智。一切漏盡能

說。障道及盡苦道。若有人來。如法問難。我無所畏。初

一是前九智力。第二是漏盡智力。後二令他具足。疏

一正知下。此第一正是薩婆若。

此云一切種智。

卽無上菩提。

二則涅槃。三則利他。

由知一切法故名一切智。佛心豈有他

正覺覺世間。謂佛下論中先顯其相。後方結云。一無

畏等。論初便云。佛作誠言。我是一切正智人。若有沙

門婆羅門。

云云

下當具引。若論文則每一無畏之初皆

有此言。

講者便應一一懸引。或任就疏總結處備之亦得。

問佛何以一切人

天之類。不可壞得無畏答。誠實論云。佛說二諦。故不

可壞。凡夫無智。亦不與諍。又佛不與世間諍。世間謂

有佛。亦說有。世間謂無佛。亦說無。以其無諍。故不可

壞。又真實論。故不可壞。不但隨語。皆自心知。故不可

壞。釋曰。論指五義。故言無畏五者。一不住真俗故。若

住著。即可破。二善巧隨機應之。言無違諍。故不可壞。

三不與世諍等者。世間言有佛以卽眞之俗而應之。世間謂無佛以卽俗之眞而應之。然離眞之俗是妄心所執。故推徵其理必虧於卽眞之俗。故所說不可破也。四但據實理非勝負心。只由心無所得。故發言不失。五世人言論皆是強作道理。佛所說者。如人見青黃。說青黃。見長短。說長短。故定不謬。如何可壞。論結云。故佛告比丘。汝等莫但信我語。當自知見自身證行。又言。汝求諸無諂曲者。若我晨說。夕得。夕說。晨得。疏二盡一切漏及習者。論云。佛作誠言。一切漏盡。若有沙門等。三說一切下。文勢準上。誠實論云。不善

及有漏善障解脫故。然障聖道有其二種。謂若執相不求真理。則善與不善俱障。若於教理信解真正。依解修行之人。則一切善法悉為助道。惡不善法。方為障道。若就小乘聖道。即唯欲為障。說欲障道。方為無畏。四說出苦下。論云。誠哉我所說聖道。能出世間。隨是行能盡諸苦。若有沙門。云云佛作誠言下。四段皆云。

佛作誠言。我是一切正智人。若有注釋此者。皆依論文。沙門。出家

人。婆羅門。在家有智人。若天。地天。空天。若魔。六欲。若梵。梵王及一切色界。

若復餘眾。除此餘。如實言。若以現事。若以緣難。是法不知。與佛

等法。有人言。不說外道經書。有言論。須彌斤兩等。有

人言。佛但涅槃。一種道。因緣。是異法。種種因緣。佛或

不知此後說者多是乃至不見是微畏相相名因緣

小乘外道有此疑者乃至不見是微畏相我不見小

小因緣如法能來破我者以是以是故我得安隱得無

不見故諸天外道有此疑者以是故我得安隱得無

所畏安住聖主處如牛王在大眾中師子吼轉妙法

輪諸沙門婆羅門若天若魔若梵若復餘眾實不能

轉一無畏等備引一無畏以例三也故云我是一切

如本文餘說此下二句是疏家撮略大意而結也問

皆同矣何故說四無畏答有人言若一切眾生共知一切事

尚難況佛一人而有一切智此疑初無畏也餘三欲

斷此疑難故佛自說無畏問何名無畏答得無所疑

無所忌難智慧不却不沒衣毛不豎在在法中如法

無所忌難智慧不却不沒衣毛不豎在在法中如法

卽作是無畏相。此四中初二顯自功德。後二利益眾生。又一三說智。二四說斷。又如初示藥草。二示病滅。三知禁忌。四示應食。問。此是智何異十力。答。廣十力略略無無說故。又能有所作。力無所疑難。無自有智慧。力無能破壞故。畏皆上句十力。下句無畏。故誠實論云。或性怯弱。難知。不善說等。故說無畏。詳有智是力。能說是辯。台之以爲無也。畏疏。智緣下。三釋無礙智。二一依智度論。雖全依論而初二與華嚴及諸論名有先後。論則先義後法。華嚴則先法後義。今引經列名。依十地論及清涼疏釋相。論云。義無礙智。法無礙智。辭無礙智。樂說無礙智。

義無礙智者。用名字言語所說事。各各諸法相。所謂地堅相。此中地堅相是義。地名字是法。以言品說地是辭。於三種智中樂說自在。是樂說。於此四事中通達無滯。是名無礙智。濕相水。熱相火。動相風。心相思。五陰無常相。五受陰無常。苦空相。一切法無我相。以是等總相別相。分別諸法亦如是。是名義無礙智。法無礙智者。知是義名字。堅相名爲地。如是等一切名字分別中無滯。是名法無礙智。所以者何。離義名字不可得。知名必由於義。以是故。次義有法。問曰。義之與名爲合耶。爲離耶。若合。召火時應燒口。若離。說火

時應得水。答曰。亦不合。亦不離。古人假爲立名。以名諸法。後人因是名字。識是事。如是各各有名字。是爲法。是名字及義。云何令眾生得解。當以言辭分別。莊嚴能令人解。通達無滯。是名辭無礙智。說有道理。開演無盡。亦於禪定中得自在。無滯。是名樂說無礙智。釋曰。論以義爲體相。以法爲名字。故先義後法。今疏意順諸論。及華嚴經。名是標舉。義是顯示。夫欲解義。先須釋名。名如前陳義。當後說。故法先義後。餘義則全依論疏。若約下二約華嚴經。卽第九地經。其文有十種四無礙。今略用五。側注者皆五中一者自相約。

總別以分法義經具云此菩薩以法無礙智知諸法

自相

色變碍為自相等

義無礙智知諸法別相

如色有十種相等又

一知下二同相約性相以分法義經云以法無礙智

知諸法自性

理同也同歸於性

義無礙智知諸法生滅相

事同

也同生滅故此下不具引經文但直釋疏中取意用者

又一法下三行相經云

法無礙智知現在差別以義無礙智知過去未來法

差別約三世以明法義是則當世而知名法智即法

無礙也逆見過未能知現在名比智

比量智也

即是義無

礙也又一知一相下四無我慢相約真俗以分法義

經云法無礙智知諸法一相不壞

第一義諦無我故云一相言不懷者

不懷無我故。若言我知無我。我證無我。則壞無我。以有能所故也。義無礙智。知蘊處

界諦緣起善巧。

世諦見我故。

又知一乘下。五一乘諸乘相。

約權實以分法義。經云。法無礙智。知一乘平等性。

觀

異也。唯此

一事實故。義無礙智。知諸乘差別性。

就彼根性有三乘五乘故。今

且略舉十相中五。

六二七三

以爲例也。觀其文相。皆法

智知法體。義智知義用。故與智論名次不同。後二則

同者。此四無礙。雖皆智所緣境。然初法義全是所知

之境。境義增勝。由境差別眾多。故十中皆別。後辭無

礙。但是以言辭說前二。說二時樂說不滯。無別義體

以目何行相。故經文雖一一各列四智之別。後二義

相皆同。故今疏云。辭則說於等也。又亦辭則當法無礙。樂說乃當義無礙也。法有名數。不可改張。宣名數者。則當辭句義。義是義理。義意由人巧說。無定名句。故智慧善巧。妙辯機變之徒。好樂說之。隨意而無礙也。智論問。力無所畏。無礙皆智慧內有力。外無所畏。卽具足。何以復說無礙。答。力無畏已分別。有人雖無所畏。在大眾中說法。而有可礙。以是故說四無礙智。得是無礙智。莊嚴四無所畏。四無所畏。莊嚴十力。疏力等下。四釋不共法二。一正釋。言力等者。釋不共之義。智論問曰。是三十六法。皆是佛法。何故獨以十八

爲不共答。謂二乘分有十力。四無畏故。

如舍利弗演法無礙。佛讚

善法性。又那律天眼。又佛說弟子中能師子吼等。

三等應言。一諸佛身無失。

二諸佛口無失。

多劫戒定慧大悲成就。故拔諸罪因緣及習故。

三諸佛念無

失。

四念處心。長夜修故。心無得失故。

今意在文略。都以無失結三業

也。四者佛於眾生無貴賤敬慢怨親等異故。常觀誰

可度故。觀彼本來清淨故。五者定名一心不亂。亂心

中不能得見實事。如水波蕩不得見面。如風中燈不

得好照。佛心如澄淨水。如無風燈。故無不定心。問佛

若常定。云何遊行說法答。佛於諸法實相中定不退

失故。欲界有定入定可說法故。六者眾生鈍根多覺

苦受樂受於捨受中不覺不知而有捨心。是爲愚使。所使佛於不苦不樂受中。知生住滅時。故念念心中。麤細深淺。無不悉知。知已而捨。或捨眾入禪。有人疑。佛言我種種因緣知而故捨。七者從此已下。至第十二。一一皆有無減字。今疏略之。最後都云無減者。貫通前也。初欲無減者。欲謂樂欲。佛知善法恩。常欲集諸善法。故修習心無厭足。故涅槃云。一切善法。欲爲其本。論中又說。老比丘目暗。自縫僧伽梨針。袈脫語諸人言。誰欲福德爲我袈針。佛現其前。我欲福德。無厭足人。汝持針來。比丘識是佛聲。白佛言。佛無

量功德海盡其邊底。云何無厭足。佛言。無有如我知
恩分者。我本以欲無厭。故成佛。是故今猶不息。八者
如欲中說。欲爲初行。增長名進。欲唯意業。進通三業。
又欲如人渴得飲。精進如因緣方便求飲。欲爲內。精
進爲外。又佛說法背痛小息。令阿難說法。至精進覺。
支。佛驚起坐。三問阿難。汝讚精進義耶。阿難言讚。如
是至三。佛言善哉善哉。善修精進。乃至得阿耨菩提。
何況餘道。又佛種種度生。遇諸惡緣。不生懈怠。九者
於三世諸佛。一切智慧相應故。論問曰。先說念無失。
今復說念無減。與此何別。答。失名錯誤。減名不及。故

異於前十者三世一切智慧力無畏無礙成就故慧
無減如酥油豐饒燈炷清淨光明亦盛佛亦如是禪
定如油念如燈炷故慧光無減又世世聞法讀誦思
修問難故十一者無漏智慧相應故有爲解脫一切
煩惱習盡故無爲解脫十二者於解脫中智慧無量
無邊清淨故言知見者論問曰但言知何復言見答
言知言見事將堅固如世有知非見有見非知故具
言卽無疑譬如繩二合一則牢無減者此二字貫通
上六如前已說論問曰佛一切法中無減何故但六
事中無減答一切自利利他中四事能具足欲求一

THE UNIVERSITY OF CHICAGO

三業諸怨惡眾生。聞佛出入息氣香。皆得信心清淨。
愛樂於佛。諸天聞香。亦捨五欲修善。故言隨智慧行。
二乘無此事。如憍梵波頭得羅漢。自食吐而更食。又
如波頭摩波嘶吒。跳上梁枅。畢陵伽罵河神等。皆身
口不隨智慧。問佛曾入外道眾中說法。都無信受者。
又曾在眾中現胃腹。又曾現舌相。馬陰藏相。又罵諸
弟子。汝狂愚人。汝死人。食唾人。又結戒不許比丘畜
八種鉢。唯聽畜瓦鉢鐵鉢。而自用石鉢。有時外道難
問而不答。又處處說有我。又說無我。說諸法有。又說
無。如是等。似身口不隨智慧行。身口不離意業。意業

亦應爾。答曰。不然。於是諸事皆先有智慧。謂入外道以種後世大因緣故。止外道謗言。佛自高慢故。現腹者。薩遮尼捷自言。無人敵得我難。而不流汗者。來至佛所。佛質問之。皆不能答。流汗淹地。佛告尼捷。汝試觀我流汗不。佛脫鬱多羅示其身。因是外道大得信向。有人疑佛舌相。故不得道。故佛出舌覆面。還入口中。見者斷疑得道。有人疑佛馬陰藏相不現。佛化作馬示之。言陰藏不現。正如是也。見者斷疑。能集善根。發菩提心。如是等因緣。故非戲論。非無羞義。佛罵比丘者。有人宜以苦切語。有宜軟語。皆得道故。如駛馬。

見鞭影卽去。鈍驢得痛手乃行。亦如有瘡濡藥。唾塗卽差。有破出惡肉。塗惡藥乃愈。又佛言狂愚人是輒語實語。所以者何。三毒發卽是狂愚故。問前說三業無失。與此何異。答前不說因緣。今廣說因緣故。謂由先以智慧起身口意。故得成前三業無失。前因果又佛成就三種淨業。三寂淨業。三不護業。有人疑佛何因緣成就如是。故佛言。我以智慧。然後三業隨智慧故。此上猶撮畧引。若要始終具見。卽覽大鈔。十六七八等者。由此知三世故得三業隨智慧行。以此釋前段也。問過未無體。現在不住。云何能知三世。答若無過未。但有現在一念頃者。佛亦

不得成就無量功德。又一心中亦不得有十力智等。難曰。若三世皆有者。何等是無常等相。無常名生滅敗壞故。若三世皆有。便墮常見。何以故。是法未來中定有轉來。現在從現在轉入過去。如人從一房入一房。不名失人。如是卽無罪福。無生死。有無量過咎。答。三世各各有相。非過未有現在相。又若無過未。亦無出家律儀。亦無五逆諸罪。無死入地獄。未來無業故。無報。是爲邪見。又我不說過未。如現在相。我說過去雖滅。可生憶想。能生心心數法。如昨日明日火。今日可生憶想。現在心雖無作住。相續生故。能知諸法。疏。

問無下。二通妨。頂相等者。等於足下。柔輒如是甚多。皆非智慧法。不應在十八不共中。又如佛身力。如十萬白香象力。及神通力等。皆不說。釋曰。說智慧者。解滅惑生解。泯情入證。其自。然果報法。性合體。有理有義。但可欣樂而已。不知其知。故不說也。上從力等下。指所用文言。言全依者。謂不雜餘論。於中用華嚴一科。及段指之。若不言。或引餘教。皆自有科者。即皆智論。非論次第。備寫名曰全依。於中或全

寫三五行。或一紙半紙。餘多闕略其文。但取要者。或但意用之。義雖全是文。或前却上來諸佛果法。竟疏助。謂下。二三乘因法。二一釋助道。二一總釋疏。三十下。二別釋三。一牒經列數可知。疏然但下。二類攝出。

體言各八者。精進中四勤爲四。更添進根進力。精進

覺支。正精進。故爲八也。定中四神足。及根力覺支。正

道。各有一定爲八。慧中四念處。

此慧體隣
此名念

及根等各

一。慧爲八。言念四者。根等各一念也。戒三者。正業語

命也。信二者。根力各一也。輕安下。各不言可知。疏初

四下。三牒文。別釋七。一釋念處。四念處者。謂身受心

法等四。是念慧所觀之處。亦名念住。佛令明記此身

等四。有不淨等四之過。念於此住。名四念住。又由此

四。得念慧住。釋之文二。一通大小乘。言種子者。有漏

業因。及父母精血住處者。生藏下。熟藏上。自相者。九

孔常流。自性者。三十六物。究竟者。脞脹爛壞。三受皆苦者。爲眾生不了此身不淨。貪著生愛。計之爲樂觀。其三苦。謂苦受。苦苦。樂受。壞苦。捨受。行苦。心無常者。謂受樂故。須觀心。念念生滅。何暇受樂。法無我者。卽五蘊皆不自在。何有我乎。治凡夫四倒者。疏序已釋。疏又觀下。二唯大乘觀。是諸法無行經文。其義破相。亦可詳解。治小乘者。亦如前說。疏四正下。二釋正勤。四念處下。明來意也。精進下。躡出體之勢。便釋名也。異外下。釋正字。雖是下。釋四行相。謂未生之惡。誓令永不復生。已生之惡。皆不忍受。斷滅除遣。未生之善。

發起猛利希願獲得已生之善不失不退數更修習
成滿究竟疏四神下三釋神足初列別名次牒釋之
樂欲者純生樂欲於不善因緣對治於善因緣功德
出離皆正審思察住一境念由此多修習故觸一境
性能害現行故名欲定無間者策勵以斷二惡修二
善無休息故心謂等者由專心守護故得心一境性
故名定也觀名慧者由先聞正法故於定時內自揀
擇故名慧也以勤過下已識別名方名來意勤過者
四勤也智火者念處也神卽下釋總名譬如有足者
能往還能得能證出世勝法名神以世間勝法喻出

世勝法故名爲神將彼到此故名足

此彼謂欲等然神

足自體卽是等持欲等四法皆是助伴疏五根下四

釋五根言五根者根所緣境卽四聖諦信者忍可諦

理而爲上首能起餘四進者於前所信諦理策勤而

行四念者明記諦理不忘四定者於諦理繫緣一境

四足慧者於諦理揀擇是非此五下釋根義由前下通

難難云始入佛法卽有信心云何至此方明信耶答

初雖有信未有定慧不得名根故云由前三科此此五

不可拔又進等前未成熟亦未名根故云前三至此

等疏五力下五釋五力卽前等者力有二義一不爲

他動卽上句也。二能伏於他卽下句也。障卽是他內則損障外則伏魔梵等。疏七覺下。六釋覺支。七者一念。二擇法。三精進。四喜。五輕安。六定。七捨。文二。一正釋。疏文隨列便釋。依雜集論五支釋之。言所依支者餘六皆依明記之念而得起故。自體支者擇法是覺義故。出離者由勤無間得出離故。利益者由心喜得身安樂故。不染汙者皆離過義故。次下四句如次釋輕安定捨。麤重散亂貪憂皆是染汙義故。麤重謂欲塵麤障。轉依謂心在定則轉與神通等爲所依故。行捨者揀捨受也。此行捨是善十一中之一矣。疏雖一

下二通妨。謂此覺支成就在於見道。見道迅速。故剎那俱起。恐疑云。旣一念起。何得說七。故此通云。雖一剎等。意云。功能不同。不可言一。如七味香。擣篩和合。焚如麻子。七香齊發。所言功能不同者。謂念除妄念。擇法除不正知。餘如次。除懈怠。惛沈。麤重。散亂。掉舉。疏。八正下。七釋正道。八正道者。離於八邪。開通涅槃。故。此在修道位。文二。一正釋此文。疏中列而便釋。言分別支者。此能辨明。除七是非取捨等也。誨示者。發語示教利喜故。令他信者。若語不契實。或身無戒行。不稱所說。非法貪求。經營活命。豈可令他信受行用。今由

此三皆正。故云是令他信。支言見清淨者。現量親證。或比量親解。非傳他語而爲說也。戒淨者。上明解。此明行也。行解二法。先須明信。命者。有漏之身。理須資給。但依教隨。日乞食。隨破乞帛等。不爲衣食故。生心經營。求得而守護。繫於身心。卽名淨命。清淨活命故。具說淨命之相。卽次下依聖種等也。聖種有四。一常行乞食。二著糞掃衣。三石窟塚間樹下。隨便而住。四有病以腐爛藥而治之。亦名四依。依此修行。得成聖道。故復名聖種。五邪者。一爲利養。詐現異相。奇特。二爲利養。自說功德。三占相吉凶。四高聲現威。令人畏。

敬五者稱說所得利養。以動人心。將此五種。以求活命。故名邪命。又有四邪。一下口食。合藥種樹。二仰口食。觀視星宿。三方口食。曲媚權豪。四維口食。咒術卜算。皆如大小乘諸律論備說。問離身語二業。無別正命。如是建立三種。答婆沙云。瞋癡所起身業。語業。名邪業。邪語。貪心所起二業。所名邪命。疏淨煩惱者。義同精進。覺支中說。正止舉相者。一掉舉。二惛沈。故下句云。不容沈掉。若失正念。卽掉卽沈。沈掉是隨煩惱。今正念能淨之。最勝等者。此勝功德等。由心攀緣散動。故障之不發。今以正定止之。故云能淨。若能如上

分別

見也

誨示

思唯

等

等於余也

卽是道支之果。疏上之下。二

總明次第。有法喻對釋詳之可解。婆沙智論皆有此文。並以樹况道品。故名道樹。疏超越下。二解餘文。三身等者。身謂法報化智。謂大圓鏡等。如文殊章說。眼謂肉眼。天眼。慧眼。法眼。佛眼。通謂如意。天眼。天耳。他心。宿住。漏盡。地。謂十地。度。謂十度。六度。果。向。謂須陀洹等各四。緣。謂十二緣諦。謂四諦。處。卽十徧處。定。卽八定。九次第定。等者。等於餘所不說。一切無漏功德。疏。塵勞有八萬四千者。釋所治也。古來釋云。眾生煩惱根本有十。然一惑力復各有十。卽爲百計。應分爲

九品。但上品重故。開爲三品。中下輕故。各爲一品。合爲五百。復於內外境起。謂自五塵爲內。以他五塵爲外。一一各五百。卽爲五千。別迷四諦。則成二萬。并本一千。則有二萬一千。依三毒等分。成八萬四千。更有

不能繁叙。一一對翻下。釋成所治。謂本由迷眞淨。故成妄

染。今悟染本淨。故無加減。故清涼云。遇三毒而三德圓入。一塵而一心淨。又有云。六賊翻作六神通等。餘如疏引起信論證。疏問世下。二總料揀三。一問答料揀二。二問可知。疏答前下。二答二。一結前標後。疏謂若下。二以義正釋五。一法說。疏如有下。二喻明。疏觀

智下三法合疏。故下下四指文。疏抵緣下五以理結
定文並可知。疏然上下二明染淨相由二一指配科
段。疏五段下二正彰染淨。由不覺者對上覺圓明故。
名賴耶者對上顯心清淨。乃至處界諸有。一一翻對
本經言對治此等者。正判此經稱性真實。翻染行相。
疏然無下三通伏難。難云經中先說諸佛力無畏等
後說道品因等文。豈非倒故。答云若約人等也。據法
本末者。據真實法理。本來是佛。此是常住之果。故名本也。然多
劫迷之。故成垢染。須修習萬行。翻於漏染。漸修。故云末也。因也。
疏亦如下引證言根本等者。論云若因滅。論以根本無明為因。

故生業相轉則緣滅緣則境界相與後六麤為生起
相境界相則緣滅之緣故彼疏云無明為因生三
細境界為緣生六麤今言因滅則緣滅者彼疏釋
云得對治無明滅時無明所起現識境界亦隨滅因
滅故不相應心三細也細故無心心滅親依無明因
時亦緣滅故相應心六麤前四也其相麤滅以四麤
隨滅緣滅故相應心顯是心心所相應也滅親依境
界緣生故境界滅時亦隨滅也今引此以證果先因後者以根本無
明滅時佛果則顯今既先由無明滅方得境界等枝
末不覺展轉而滅則果先因後對治展轉枝末是萬
行因法故經自他正報云一切實相者既歷法已盡
故但通相躡之義如疏釋思之可見疏二一然凡下
正釋義疏此乃下一通妨難難意云修觀行者一身

覺性淨故。得十方眾生覺性淨者。應可一人修道。多人成佛。故疏通云。此乃一人悟性。知一切眾生本性等。經依報中疏二。一國土下。別釋此文。皆由自心者。淨名云。隨其心淨。則佛土淨。眾生劫燒等者。法華經云。眾生見劫盡大火所燒時。火災壞器時也。事在賢劫章中。我此土安隱。天人常充滿。螺髻等者。淨名經中。螺髻梵王云。我見釋迦牟尼佛土清淨。譬如自在天宮。隨諸業識所見。舍利弗言。子。即鷲我見此土。丘陵坑坎。荆棘沙磧。土石諸山。穢惡充滿。隨人業識所見。於是佛以足指按地。卽時三千世界若干百千珍寶嚴飾。譬如寶莊嚴土。一切大眾

歎未曾有。而皆自見坐寶蓮華。况乃下道理轉諦的也。且如上說心隨染淨之緣。尙能於染見淨。况心冥真性。染淨俱清淨耶。身土依真者。如前引華嚴云。普賢身相如虛空。依真而住。非國土。上來正釋此段經文。訖疏。然上下二總明相躡。翻對未覺之時。妄法生起次第。釋成覺了。還相躡爲次第矣。經空色同如中疏二。一第二下。叙科意。此當泯絕等者。卽真空觀中有四句。前七段。卽諸法卽空淨。不待除却諸法。故當第三句。空色無礙觀。今空色俱如。同於覺性。稱性不動。故當第四泯絕無寄觀。疏躡前下二正銷文二。一

釋前四句三。一正釋。於中有法說喻明。疏故法下。二引證。並如文詳之。疏然諸下。三釋疑。疑云。諸法卽事覺性卽理。今旣二法平等。便當理事無礙。何得科判在真空觀中。故此牒疑辭。便釋云。夫理事等也。疏還如下。二釋後諸句。還如前七段等者。釋結例之文也。圓覺經略疏之鈔卷第十五

圓覺經略疏之鈔卷第十六

圭峯蘭若沙門宗密於大鈔略出

經理事無礙觀疏二。一據法下略示觀門。然觀門須親從口決聽受。難可以文字釋之。釋之卽甚繁廣。難爲節略。故但與連續本文而已。下亦準之。一理徧事者。觀文具釋云。謂能徧之理性。無分限。所徧之事。分位差別。一一事中。理皆全徧。非是分徧。何以故。以彼眞理不可分故。是故一一纖塵皆攝。無邊眞理。無不圓足。二事徧理者。謂能徧之事是有分限。所徧之理要無分限。此有分限之事。於無分限之理全同。非分同。何以故。以事無體。

還如理故。是故一塵不壞。而徧法界也。如一塵既爾。一切法亦然。思之。此全徧門。超情離見。非世喻能況。此下又以喻釋之。如全一大海。在一波中。而海非小。如一小

波。市於大海。而波非大。同時全徧於諸波。而海非異。俱時各市於大海。而波非一。又大海全徧一波時。不妨舉體全徧於諸波。一波全市大海時。諸波亦各全市。互不相礙。思之。釋曰。上以海喻理。以波喻事。顯其徧義。如全一大海。在一波中。況無邊真理。全在一塵中。如一小波。市於大海。況一微塵徧無邊真理。其非小大明。各不壞相。又同時全徧諸波。海非異者。喻真

理全徧諸法中而理非多俱時各布於大海波非一者況事徧理而事非一故法喻相對道理極明沉觀門中此後更有兩重問答亦是躡此海喻而起可以文詳說不能引之或但用前喻足銷疏矣三依理成事者文云謂事無別體要因真理而得成立以諸緣起皆無自性故由無性理事方成故四事能顯理者謂由事攬理故則事虛而理實以事虛故全事中之理挺然露現五以理奪事者謂事既攬理成遂令事相皆盡唯一真理平等顯現以離真理外無片事可得故六事能隱理者謂真理隨緣成諸事法然此事

法既違於理。遂令事顯理不現也。經云。法身流轉五道。名曰眾生。故令眾生現時。法身不現。七真理卽事者。謂凡是真理。必非事外。以是法無我理。故事必依理。虛無體故。是故此理舉體皆事。方爲真理。八事法卽理者。謂緣起事法。必無自性。無自性故。舉體卽真。故說眾生卽如。不待滅也。九真理非事者。謂卽事之理。而非是事。以真妄異故。實非虛故。所依非能依故。十事非理者。謂全理之事。事恆非理。性相異故。能依非所依故。是故舉體全理。而事相宛然。下亦觀文。此上十門。同一緣起。前前必具。後後亦約。理望事有。具前前。方成無礙義矣。

成

三依理成事門

有壞

五理奪事門

有卽

七理卽事門

有離

九理非事門

事

望於理有隱

六事隱理門

有顯

四事顯理門

有一

八事卽理門

有異

十事非理門

逆順自在無礙同時深思令觀明現疏今言

下二配釋經義但約觀門義而詳之卽見文二一配

觀門疏言覺下二釋經義經周徧含容觀疏二一第

三下略釋觀名準法界觀此亦有十門疏既不敘亦

不能繁引但略釋觀門名其辨事法無礙重重如要

廣文卽檢大疏大鈔言舉一塵徧一切法中者釋周

徧義含一切法在自塵中者釋含容義一塵旣爾下

例明諸法故云周徧等結指觀名然雖略釋理猶未

明今更以喻顯。譬如虛空有其二義。一周徧義。謂此虛空普徧一切色非色處故。二含容義。謂十方世界情器等諸法。不出虛空中故。如空既有此二義。塵等諸界亦然。以諸事法皆同真性。而容徧故。釋其所以。次下卽明。有云。須彌元不有芥子。本來空。將空納不有何處不相容。此釋乃都不曉此理。須彌既不有芥子。又空。二事總無。將何容納。將空納空。無此理也。智者詳之。疏舉所下。二正釋經義。二一釋法。疏如一下。二釋喻。三一正釋喻相。疏室中下。二配法釋義。疏所以下。三釋其所以問。有何所以得令諸法如是融通無礙。故疏

答云。唯是真心等也。然法相宗。唯心之義。但唯有爲

生滅八識。此宗究實。唯是真如之心。如起信備說。此

亦前後頻明。就中普賢章。約五教說。唯心最廣。今此

意者。諸事與真理。既但是一真心源。

即此一心。畢竟無生滅變異。離

一切相。即名真理。即此一心。如明珠能現諸相。即名爲事。故論開一心二門。

真理周徧含

容。時事豈獨不徧不容耶。疏皆如幻夢者。猶如幻師

能幻一物。以爲種種。幻種種物。以爲一物等。華嚴云。

或現須臾。作百年等。一切諸法。業幻所作。故一異無

礙。言如夢現者。如夢中所見廣大。未移枕上。歷時久

遠。未經斯須。故論云。處夢謂經年。覺乃須臾頃。故時

雖無量攝在一刹那。如影像者。一切萬法。略有二義。一皆如明鏡含明了性。一心所成故。二分別所現。如影像故。由初義故。爲能現。由後義故。爲所現。故一切法。互爲鏡像。如鏡互照。而不壞本相。華嚴又云。遠物近物。雖皆影現。影不隨物。而有遠近。疏與所依性非一異者。如大疏第二第三門釋。然亦是法性融通之義。謂事與理。若但非一。便成理外之事。卽互相礙。不可相徧相容。若但非異。便成唯理。又無事法可說。說何徧與不徧。理唯一味。亦無可徧可容。今則理事融通。故得具斯無礙。今且徧約不異義言之。其中常含不一義。

謂不異理之一事具攝理性時。令彼不異理之多事。隨所依理皆於一中現。此是與理不之一也。一若一中攝理不盡。則真理有分限失。若一中攝理盡。多事不隨現。則事在理外失。今既一事之中全攝理。多事豈不於中現。故華嚴序云。理隨事變。一多緣起之無邊。事得理融。千差涉入而無礙。故此次云。故得徧多等也。然準華嚴疏。述事事融通所因。具有十義。一唯心所現故。二法無定相故。三緣起相由故。四法性融通故。五如幻夢故。六如影像故。七因無限故。八佛證窮故。九深定用故。十神通解脫故。十中隨舉一義。卽見諸法融。

通無礙。十中前六。通約性爲德相因。法爾如是。七約修因。八約果德。九十通於因果。今用四門。卽第一第四及五六也。經頓同佛境疏二。一大文下科分二。隨釋。經法中疏總指圓彰等者。經文從證得諸幻滅影像故已來。終於無壞無雜。皆覺成之相也。疏三念境者。諸大乘說佛於三種人邊。心無有三。一惡心。以刀割佛左膊。二敬心。以香塗於右肩。三無敬無惡。不割不塗。佛於割者。不以爲恨。塗者。不以爲恩。不塗不割者。亦無分別。今觀行成就之人。只於觀行中時。用心全同佛也。佛說三境。今說八境。但文廣略。無別義類。

若約能對之心。行人卽出觀時。未除分別。佛則究竟
如然。經云不與者。不許可也。故孔子數云。吾不與也。
意是不許矣。餘不求不厭等。皆可知。疏舉八境下。乃
至引證。皆釋成此科。的是用一同佛之義。意未說境
恐見八境。謂是通論。故揀之也。次所引文。卽其次兩
唱經文。便是經喻中疏無別分析者。意明眼識但有
自性分別。無計度等分別。雜集論云。分別有三。一自
性分別。二隨念分別。三計度分別。今八識中第八識
及前五識。皆爲現量。現量所得。自然於境顯也。卽自性分別
也。任運自然分別。不待起心籌量比度故。如法華等

者。前二十五有文中已說。梵王計眾生爲子。眾生計梵王爲父。諸經論皆判爲邪見。西域一切眾生。從古來相傳。有此妄計。佛於法華經中。乃自云。譬如梵王是眾生父。豈佛亦邪見耶。但且隨俗易信。易領之處而爲喻也。今舉目瞳爲能見之眼光。非佛不解。但隨俗可見之邊喻之令解。問。此經淨土所說。何有凡俗。答。經文每段皆云。爲末世眾生。豈只爲諸菩薩耶。若只爲諸菩薩。菩薩皆是極位。豈不解此中諸法而要佛說耶。故知但以被於羣情。故說經也。況下流通分中。卽八部等皆具。經見境同中疏二。一近結下。釋行

成見境言尙見持毀者前但云不敬持戒不憎毀禁
不言亦不分別。是持是毀若見持毀等八境差別豈
同佛見故先泯之云無修無成等也疏冥一如下二
句是華嚴序文謂冥契本源而無能契於事於理無
分別心亦非無記。但不計有與不有空與不空故千
萬紛動之法自然不動不動卽無二相故云寂滅無
二疏卽於下二釋見境無差二一釋依報平等二釋
前諸句二一正釋法喻華嚴十大數者彼經僧祇品
說也言十者下應云一阿僧祇二無量乃至十不可
說不可說等疏恐文繁故不列一二三等字疏亦如

善財等者。善財南遊。歷諸善友。總五十五人。古德攝

為五相。第一有四十一人。寄位修行相。

初見文殊一人。寄十信。餘

四十人。如次寄三賢十地。

二見摩耶夫人等十一人。會緣入實相。

三見彌勒。攝德成因相。四再見文殊。智照無二相。五

見普賢。顯因廣大相。今則第二相也。摩耶是佛母。能

生化身之佛。表此等覺之位。會前差別地位。事相因

緣。入於一實。同於妙覺諸佛。故名等覺。等覺之智。親

生妙覺法報真佛。故以佛母寄於此位也。得願智幻

等者。經云。摩耶告善財言。我以成就菩薩大願。

願為一切

佛母

智。

權實二智也。權智能起大願。能幻一願智體。故成幻事。實智即般若。生佛真身。幻一願智體。

虛當相名幻。二。即智所解脫門。是故常爲諸菩薩母。
作生佛等事。皆是幻也。解脫門。是故常爲諸菩薩母。
託胎生時。如我淨飯王家右脇而生。悉達太子。現不
未名佛也。思議神變。乃至盡此世界海。所有毘盧遮那如來。皆
入我身。示現誕生。見一切世界等者。此位有十一善
友。今是最後德生童子。有德童女。得菩薩幻住解脫
故。見一切世界。皆如幻住。幻境自性。即所入之實也。不可思
議。上皆經文。評曰。旣於此位中。始終皆幻。由觀諸法如幻。
故得入於一實。等於諸佛名等覺位。正與此一科經
同。今科此云。同佛同。卽等也。佛卽覺也。今經云。諸佛
世界如空華者。幻與空華。義無異也。疏染汙眾生等。

者。彼經云。有世界海。微塵數劫。轉變差別。所謂法如。

是故。世界海無量成壞劫。轉變世界海下皆例有。染汙眾生。

住故。成染汙。法界品云。大王。未出時。泉也。皆枯涸等。大福眾生住故。成。

染淨。人天福命。多染少淨。故先云染。法界品又云。大王。今出世。粳米自然生等。信解菩薩。

住故。成淨染。地前未斷障。故非純淨。淨多染少。故先云淨也。等者。等餘七句。

經有十句。疏中用三。謂眾生發菩提心住故。世界純淨。乃至十。

也。三成壞相者。然世界成住壞空。皆二十增減。住滿。

二十劫。卽到壞也。劫欲壞時。十九劫中。壞有情類。唯。

一劫中。壞器世間。壞有情者。初阿鼻獄等。次鬼畜四。

洲六欲。皆怖火災。不造欲界善惡等業。皆習二禪死。

卽上生。更不生鬼獄人天等。十九劫中。有情已盡。次壞器界。初日光四倍熱。次生三日。乃至四五後七日。並現火洞然起。氣衝初禪。亦上生去。世界旣空。又經二十劫。復又劫成。初大風持界。從二禪天。雲布三千界。雨如車軸。風過不流。結冰作金輪。次水輪。先成梵王下界。次漸成。風鼓清水。成須彌七金等山。隨成有情住。滓濁爲四洲。乃至地獄。鹹海外圍。方名器界立。二禪福盡。下生閻浮。初有身光。及餐地餅。林藤自然粳米。後因漸惡。光及地餅等滅。卽有日月。及耕種等。以漸惡。故生三塗等。怖罪修善。生三洲六欲。乃至梵

世乃名成劫。疏增減者。人壽上從八萬歲。百年減一
年。乃至十歲。又却壽增。每生男女。壽卽倍父。如是漸
增。還至八萬。故名增減也。續紛者。撩亂之狀也。疏問
然下二通妨。引證其兩重。並如文可見。疏明此下二
釋後二句如文。疏始知下二釋正報平等二。一總銷
經文。疏然說下二別釋生佛三。一敘意標門。疏一者
下二依門別釋二。一略辨前五。有部者。薩婆多宗也。
經部卽不爲此計。唯悉達者。餘諸有情。皆無佛性。終
無成佛之分。三無數等者。此教意明。從初發意。六度
修行。三無數劫。五位伏斷。十地滿足。四智圓明。於色

究竟天受佛智。職名成正覺。相盡性顯者。謂此教說。一切眾生本覺真心。本來離念。不如實知。忽然念起。生住異滅。念無自相。不離本覺。內外熏力。始斷滅相。終至生相。一念相應。得見心性。心卽常住。名成正覺。華嚴說十信等者。經文云。若與如是觀行相應。於諸法中不生二解。一切佛法疾得現前。初發心時。卽得阿耨多羅三藐三菩提。知一切法卽心自性。成就慧身。不由他悟。故彼疏釋云。佛智何深。情迷謂遠。情忘智現。則一體非遙。旣言一切法卽心自性。今理現自心。卽心之性。已備無邊之德矣。覺心則理現。理現則

智圓若鏡淨明生。非前非後。非新非故。不由他悟。是自覺。知一切法是覺他。成就慧身爲覺滿。見夫心性豈有自他。寂而能知名爲正覺。一念悟時名爲佛者。謂無始迷倒妄認眾生。一念悟時全體是佛。如夢身相。夢時非無。悟卽自身。豈待長養。故論云。亦無始覺之異。華嚴云。若離妄想。一切自然。無礙等智。卽得現前。如塵破經出。又廣博嚴淨經云。有三男子詣佛禮足。作如是言。世尊。我等今於此法能信解。不生疑惑。第一男子白佛言。若作是說。我是如來。此言便是正說。所以者何。我於此法不生疑惑。第二男子云。是世尊。第三云。佛。其辭

皆同。爾時會中百千眾生心皆擾動不安。本座皆作是念。無有二佛並出世間。今此男子何故發如是言。阿難騰大眾意問佛。佛說偈印許。偈云。能知過去如。亦知未來如。見一切法如是。故名如來。不畏於生死。正住生死中。化度諸眾生。是故名世尊。覺無明無知。其性無所有。已得於明智。是故名爲佛。菩薩處胎經云。或有眾生朝發道心。卽得成佛。諸大乘經其文非一。達磨禪宗卽心卽佛。是斯意也。疏六者下。二具釋第六二。一正釋。本來成佛者。論云。四相俱時皆無自立。本來平等同一覺故。涅槃論解微密義云。身外有佛。

亦不密。身內有佛。亦非密。非有非無。亦非密。眾生是佛。故微密。疏故華下二引證。文有兩節。可如理詳之。彼疏問云。此中之成。爲理爲事。若是事成。云何皆同一性無性。若是理成。云何八相。疏自荅云。此是華嚴大節。若不對諸宗。難以取解。今約五乘五教而辨。然諸眾生。若於人天教中觀之。具足人法二我。若於小乘教中觀之。但是五蘊實法。本來無我。若大乘始教法相宗。卽說唯識所現。無相宗。卽說幻有卽空。人法俱遣。若大乘終教。唯如來藏具恆沙性德。故眾生卽在纏法身。法身眾生。義一名異。

猶據理說

若大乘頓教。則

相本自盡。性本自現。不可說言成佛。不成佛等。若依

此宗

華嚴宗也

舊來成竟。亦涅槃竟。非約同體。此成卽是

彼成。難曰。若爾。何以現有眾生。非卽佛耶。答。若就眾生位看。尙不見唯心。卽空。安見圓教中事。如迷東謂西。正執西故。若諸情頓破。則法界圓現。無不已成。猶彼悟人。西處全東也。若爾。諸佛何以更化。答。眾生不如是知。所以須化。如是化者。是究竟化。如是化者。無不化時。然上六門。初門眾生無成佛義。次門五分中。唯許一分半眾生。定待三祇功滿成佛。後四門一切眾生。皆許成佛。於中三四妄盡覺顯。是爲成佛。五頓

悟無妄。卽名爲佛。六本無迷悟。元來是佛。又中間四門。次次相望。前延後促。又前二事成。次二事同理成。五唯理成。六皆無礙。疏今經下。三指經對示。如文。經稱實同中疏二。一躡前下。釋前二句。言能依之夢者。喻取相之心。見生死涅槃可厭可求。釋經生涅槃如夢之言。必有所依之人者。喻圓覺妙心也。卽此所稱之實平等不壞之性。故科云。稱實同也。神遊者。漢武帝故事中說。武帝欲驗占夢者真虛。乃召之。假爲問曰。朕夢見殿上二瓦。化爲一雙鴛鴦飛去。是何祥也。占者對曰。主宮中有暴死者。語訖。監司奏宮人相殺。帝

驚異謂占者曰。朕之戲言何以成驗。對曰。夢是人之神遊。陛下欲言卽是夢也。亦見聞氣分者。智論說有五夢。一熱氣多。二冷氣多。三風氣多。四見聞多。五天神與廣如彼說。今說第四耳。謂晝未睡時見聞事境多種。故睡時雖六識昧略無所分辨。而見聞氣分任運所緣。由帶睡故。虛妄顛倒。名爲夢也。但了夢體等者。然餘喻皆帶自他。唯夢喻剋體。故大瓔珞經說過去有佛欲說法時。令大眾眠。夢中說法。令增善根。覺得道果。亦表萬法皆夢。大夢之境。必有大覺之明矣。疏當知下二釋後四科。四段經文。如疏所列。經偈諷

中疏略於第一起行者釋長行四段偈頌唯三之義也。上來釋普眼章已竟。經慶所悟中疏一切行位根本者。萬行皆依信解真正故。經云如來圓覺已下皆所依也。漸次方便者。能依也。舉所依以貫能依。揀無解之行。顯是頓悟中之漸修。故普賢用心之門猶通萬行。況圓信頓解耶。疏後必躡前者。大科云前前不敘後後後後必躡前前。經難所疑中疏躡前段者。由前普眼章云眾生本成佛道。約文敘起疑之所以疑有三句。一謂先真後妄。二謂說妄爲真。三牒而縱之。責無窮過。三句並如注配疏。此上三難下釋成難意。

言成佛義等者。天真成佛無所不成。非除却妄染塵勞。添益眞淨功德。不增不減故。眾生本來成佛亦然。故云等也。故前云。如來藏中無起滅故。無知見故。究竟圓滿徧十方故。生否應齊者。謂生與不生也。疏文務簡。故只著一否字。眾生及如來俱無生故。皆應不生煩惱。若云無中不妨生者。皆應生也。因違現事者。因位凡夫之流。現見貪瞋熾盛。惑病昭然。如何言無。故云違也。進退下二句。顯剛藏所述疑情也。進者凡同佛。退者佛同凡。皆有上失。故不可也。有斯云者。正指問目。然佛頂經富樓那亦有斯難。彼云。若此妙覺。

本妙覺明

此云本成佛道

與如來心不增不減無狀忽生山

河大地諸有爲相

此云後起無明

如來今得妙空明覺

此云一切

如山河大地有爲習漏何當復生

此云何時復生一切煩惱將彼

對此昭然可解經結請中疏二一據此下通釋前文

諸典無文者但指古今所流傳當代之經論宗教眾

皆傳習者悉無此文非謂都無佛頂經中亦有此問

故如小堤堰中水少碾磴停廢亦名無水非全無水

故疏序云了義匿於龍藏是以佛說權教云眾生無

佛智慧亦據隱匿云無覆相者謂佛說法或隨自意

或隨他意權實難測此義廣如懸談中辨疏開密藏

者涅槃說具縛凡夫能知如來祕密之藏。疏由此標目者指經題也。只由決了此疑故名了義經矣。疏通論下二別解疑悔。二一釋疑言疑者是根本也。文二一敘四一通釋於諸下二句出體相能障下二句辨業用能障信心者信清疑濁故障善品者一切福利功德善法品類猶如寶山。人若無手卽取寶不得到卽空廻信如有手疑如無手故不能取功德善法之寶是爲障也。皆是唯識論文疏別顯下二別釋天台依智論說矣。五蓋者一貪欲二瞋恚三睡眠惛沈四掉舉惡作五疑也。疑自者我是凡夫根鈍障重如何

入得聖道。疑師者。彼人三業四儀如是。豈能利我。或疑云。雖悟解精進。豈能盡心教我。疑法者。依此而修。豈定得解脫。一切苦惱耶。疏如有下三喻釋。譬喻師藥喻法。疏今三下。四會此經云。已起者。現疑也。已現於心識故。未起者。謂鈍根人乍聞。但隨語領解。信受不解。生疑已後。遇人難之。或自思惟。覺理似乖。又不解通決。便生疑心。聖人預防此事。種種屈曲。預爲舉起可疑之處。而通釋之。金剛經節節斷疑。乃至經終二十七段。亦是此意。故天親論云。自此已下。一切修多羅。示現斷生疑心。示現者。顯示也。偈云。及斷種種疑。亦防

生成心。今皆舍者。剛藏所問。本爲眾生。眾生聞說。本
來成佛之言。利根便生此疑。起是已鈍根者。當時但且
領受。起是未他日思惟。或可始疑。或因人將此難之。或
來世等。方始起疑。故云皆舍也。疏然斷下二斷。知境
從心起。卽悟非定。有了萬法皆無所得。卽知唯有真
如。是諸法之性。餘皆例知者。若疑無因果。令觀十二
因緣。若疑自性無恆沙功德妙用。今觀恆沙煩惱。一
一空無。自然翻染顯真。皆成功德。如論中說。疏悔是
下二釋悔。言不定法者。六位心所中。不定有四。謂悔
眠。尋伺也。唯識云。於善染等皆不定。故悔謂惡作。惡

所作業追悔爲性障止爲業今據五蓋亦是定障而
因掉後生悔掉有三業謂身好遊走雜戲坐不甞安
口好吟詠無益戲論心情放縱攀緣世藝諸惡覺觀
然掉戲時未在緣中後欲入定時方始悔前所作憂
惱覆心故名爲蓋蓋者如作大重罪常懷思悔悔箭
入心後墜惡道若人罪能悔悔已莫復憂如是心安
樂不應常念著反自疑悔者有二意一者不知自身
心本空元是佛體心外求佛取相積功勤苦多時後
悟佛在自心悔前妄苦轉乖真理如志公云得理反
觀於行始知枉致功夫二者頓悟心同佛心是我真

體四大緣慮皆同客塵。遂委身棄命。不顧榮樂。或捨名譽。或捨資財。及聲色等。心心趣佛。念念還源。如是多時。但喜棄妄。同真。不久具佛功用。後忽被人依剛藏。問目難破。或因自思。惟覺此妨難通。決不得却自疑悔。悔前枉捨却眾多榮利等事。未必卽成佛道。經讚許中。疏如來之密藏者。依士釋。如來是人。密藏是法。依人顯法故。下答者。經云。生死涅槃。同於起滅。妙覺圓照。離於華翳。如是顯示。秘藏卽開。剛藏所問。本求此答。三業者。動身發語之思。及思當體也。業具者。身口意也。非色現色等。皆如華嚴廣明也。疏前頓同。

等者準論中信根成就是初發心住。初發心住卽成正覺。故普眼章末觀成同佛義當此矣。信根者信若決定卽名爲根。根有二義。一持自體。二能生長。經長行中疏二。一第四下科分言正說者。若但看經文直是剛藏騰前章經文而難如來通釋而已。若始終詳究更有甚深意趣。謂從經初乃至普眼章末以悟解力慧已清淨。未修習故。心未清淨。故剛藏知機爲發此問。佛責分別流轉之見。及未斷輪迴之過。令覺未了。章末又再勸云。是故我說永斷無始輪迴根本。至彌勒問輪迴根本。佛令斷愛。方是淨心之門。慧淨心

淨方成定慧之力。方得二皆解脫。是故經文顯示修行之妙門也。反覈起疑本者。然答此問目。可以神會。難以言宣。故先反覈。令離名言相。離心緣相。悟其意深矣。二正釋。經總指輪廻中。疏四蘊爲世界者。金剛經云。如來說微塵。非微塵。是名微塵。如來說世界。非世界。是名世界。無著判爲色及眾生身。搏取中觀破相應行住。十八住中。第十住也。色是色蘊。及眾生身是四蘊。經云。微塵者。析破麤色。至於極微。故經云。世界者。以不念方便。破四蘊也。析破麤色。義法空章已釋。彼經至下。又云。所說三千世界。則非世界等。無著還釋云。此

破名身世界。世界者。眾生世界故。

日誦

然彼云世界一

向約情。今此經中云世界。則兼情與非情。故上云總

標情器。謂有情世界。及器世界也。器爲世界。人盡不

疑。眾生爲世界。學寡者卽疑。故引無著論。唯證情界

問。何妨彼經云。世界則唯約情。如何定知此文兼情

故。疏下句答云。若不約情。何成輪迴。況經文明言。念

念相續。種種取捨。皆是輪迴。未出輪迴。而辨圓覺。彼

圓覺性。卽同流轉。譬如動目等。乃至法合末云。何況

生死垢心等。豈可但名非情。又且諸經論皆說有情

世間。器世間。世間世界。但名小異。何信二種世間不

信二種世界。又世界亦名國土。國以人爲本。故人皆逃亡破散。便云國破。豈是山川土地崩陷。名國破耶。故知世界兼人矣。況經昭然。疏次六對中。創變者一念業相轉。成能見。故變爲境界相也。極證者。地位滿足。捨異熟識也。問。證極則出輪迴。何以結云皆是輪迴。答。此六對法。皆是所計之境。約能計之心。是輪迴。故所計之境亦流轉。今計度云。世界最初從心變起。直至成佛方得終盡。卽此計度是輪迴之見也。權教學人。計有染淨。故云初變終證。此宗不然。本無世界可除。亦無法界可證。本亦非染。今亦非淨。故下經云。

本無菩提及與涅槃亦無成佛及不成佛無妄輪廻及非輪廻據此道理何有創變之始極證之終故實教宗中指權教云但有教文而無實果疏住劫等者成住壞空義如前釋現行等者就情說也現行者能計心境相應時也調伏者息伏其心令不起念念不起時境不獨立故皆指也如無想定或無想天或四空定之類也然前六對初二對通於情器次三對唯約器此一對唯約情也疏或業襲習等者此中有三重展轉以明流轉之相三重者卽當惑業苦三道也謂惑是煩惱道卽貪瞋癡等根隨煩惱業卽業道謂

善惡不動等報應卽苦道謂三界所受身也此中猶約展轉枝末若就根本而論卽由無明迷真執妄起惑造業輪廻受生此義廣如金剛鈔辨言襲習者襲謂承襲卽相續義習謂熏習卽習學義謂後念習前念相承襲續展轉無窮綸輪者皆約喻以明報應無盡義如車輪轉疏文或可但云淪輪亦得淪者沈沒義沒而復出無窮無盡故云淪輪若依此文卽不取淪字也然襲習綸輪卽成唯識中十二因緣前前爲因後後爲果之義於生老病死身復起無明故輪廻無有窮盡言無明無因老死無果者且約一周義說

非不終而復始。故唯識頌云。由諸業習氣。二取習氣。俱前異熟。既盡復生。餘異熟。二取惑也。餘可配知。惑業皆是習氣。故此總云。襲習。劫波者。此云時分。大劫小劫。長時短時。下至刹那。皆名時分。眾生從無始來。經歷碎世界。爲微塵數劫。及河沙數之劫。輪迴受苦。相續無窮。不可止遏。惑業令休息滅絕。生死令窮盡。莫者。無也。不也。疏我我所者。我是有情。我所是器界。苦所依者。是四大身。餘文可解。經法中疏。夢見實物者。假如有人在書窗下作夢。還見臥書窗下。雖身處皆實。然現見者。元是夢也。經喻中。譬如動目等者。喻

文有四對也。初喻中疏言由目數動水成波者。如人動轉眼睛。或手研捏眼角。眼卽所見。或傾倒轉動。或一物成二種種廻轉。一切皆然。今但云水者。由水或時有不因目動。自有別緣而動搖爲波。則動目者疑其自爾。不知因眼。餘物不然。故唯水喻。次眼識鈍者。釋定眼也。意取鈍滯不能迅速。趁及乃見。火旋成於輪相。故云定眼。非謂凝然堅固。永不移動。方名爲定。如有人取一杖枝。火燒頭邊半寸已來。炎赤便以手搓旋之。卽見赤輪之相。杖枝若長而稍曲。輪相卽轉轉寬大。據其所見。可若三尺二尺圍。豈有半寸之火。

忽然寬展。故知但是眼識鈍滯不迅速。趁他火輪不及。便以周圍皆是火也。經但云眼者說時。隨世泛言。疏兼云識者釋義。須剋取親能見者。然水波火輪。但是眼之動定。喻於圓覺中見凡見聖。但是流轉妄心。岸移月運。但是雲駛舟行。亦同此也。駛者奔流急走之相。經結指前疑中疏。未是荅難者。有人造疏云。從世界生滅至此。是荅初難。空華喻荅第二難。金鑛喻荅第三難。故此潛揀之。不能形於名字矣。次從然雖非正荅。下亦是通難。恐有難云。前若未是荅難。佛所說者。其意在何。故次通云。已是標舉建立等。經喻釋。

現起疑中疏二。一二喻下。科分二。正釋經翳差華亡中。疏喻釋佛者。佛地論云。如睡夢覺。如蓮華開等十義。序分鈔中已釋。疏一空者。華也。一有者。翳也。法合云。縱使心迷者。如翳有也。生死亦寂。如空華也。經法合中。疏此疑過深者。非但疑於法之文義。兼墮謗佛之科。云佛煩惱。此過非輕。經金鑛喻中。疏二。一金在下。釋喻文。銷頑石等者。應設關。並云。鑛中本無金。銷鑛金。卽出。頑石中無金。銷鍊金。應生。此是例破他也。又云。鍊石金不出。旣由石裏無。鍊鑛得真金。卽知鑛中有。此是反例成已義也。故知真金。但因銷鑛而顯。

不因銷鑛而有

圓覺經略疏之鈔卷第十六終